



KEMENTERIAN PERDAGANGAN DALAM NEGERI  
DAN HAL EHWAL PENGGUNA

---

---

**KERATAN AKHBAR  
DAN MEDIA ONLINE  
UNTUK MAKLUMAN :**

**Y.B. MENTERI  
Y.B. TIMBALAN MENTERI  
Y.BHG. KSU  
Y.BHG. TKSU (PDN)  
Y.BHG. TKSU (PUP)  
SETIAUSAHA AKHBAR**

---

---

**17 JUN 2021 (KHAMIS)**



KEMENTERIAN PERDAGANGAN DALAM NEGERI  
DAN HAL EHWAL PENGGUNA

---

---

**KERATAN AKHBAR  
DAN MEDIA ONLINE  
(KPDNHEP)**

---

---

**17 JUN 2021 (KHAMIS)**

## KPDNHEP kesan kenaikan harga sayur

**PUTRAJAYA** - Bahagian Harga Barang Negara (BHBN), Kementerian Perdagangan Dalam Negeri dan Hal Ehwal Pengguna (KPDNHEP), mendapati berlaku kenaikan harga beberapa jenis sayur di seluruh negara.



**AZMAN**

Harga tomato mengalami peningkatan sehingga 8.33 peratus, sawi (2.91), kubis bulat tempatan (2.73), kailan (2.37), kangkung (2.29), brokoli (2.27) dan lada benggala (2.07).

Pengarah Penguatkuasa Kementerian Perdagangan Dalam Negeri dan Hal Ehwal Pengguna (KPDNHEP), Azman Adam berkata, harga tomato dan timun Jepun di sekitar Putrajaya mengalami kenaikan sehingga 30 peratus.

“Secara umum, situasi bekalan sayuran dilihat masih stabil di semua pasar-pasar awam dan pasar raya sekitar Putrajaya ini.

“Walaupun bagaimanapun, Bahagian Penguatkuasa KPDNHEP tidak menolak kemungkinan akan berlaku gangguan

bekalan sayur-sayuran tertentu ekoran pelaksanaan PKPD di Cameron Highlands,” katanya dalam satu kenyataan pada Rabu.

Azman berkata, pegawai penguat kuasa KPDNHEP di seluruh negara akan menjalankan pemantauan ke atas harga sayur.

“Tindakan penguatkuasaan di bawah Akta Kawalan Harga dan Antipencatutan (AKHAP) 2011 akan dilaksanakan jika terdapat mana-mana pihak yang sengaja mengambil keuntungan secara tidak munasabah atau mencatut,” ujar beliau.

Menurutnya, peniaga boleh dikenakan tindakan di bawah Seksyen 14(1), Akta Kawalan Harga dan Antipencatutan (AKHAP) 2011 dan sekiranya sabit kesalahan, peniaga boleh dikenakan denda sehingga RM500,000 sekiranya suatu perbadanan atau syarikat.

Bagi bukan perbadanan atau individu, boleh didenda sehingga RM100,000 atau penjara selama tempoh tidak melebihi tiga tahun atau kedua-duanya sekali.



Oleh Nurul Hidayah Bahaudin  
nurul:hidayah@hmetro.com.my

**Kuala Lumpur**

**K**ekurangan bekalan sayur-sayuran dari Cameron Highlands, Pahang susulan pelaksanaan Perintah Kawalan Pergerakan Diperketatkan (PKPD) di kawasan berkenaan menyebabkan segelintir pembekal terpaksa mendapatkan bekalan di kawasan lain.

Pembekal di Pasar Borong Kuala Lumpur yang hanya mahu dikenali sebagai Wai, 28, berkata, pihaknya mendapatkan bekalan sayur dari Kuantan, Pahang dan Johor Bahru, Johor ekoran kekurangan bekalan sayuran dari Cameron Highlands.

"Sejak Cameron Highlands ditutup disebabkan PKPD, kami kekurangan bekalan terung dan cili.

"Ia juga menyebabkan harga kedua-dua sayuran itu naik dari RM6 kepada RM8 sejak dua hari lalu," katanya di Pasar Borong Kuala Lumpur di sini, semalam.

Wai berkata, tidak semua harga sayuran meningkat kerana ada antara sayur yang dibekalkannya diperoleh dari kawasan lain.

"Saya lihat tidak ramai pembeli yang merungut mengenai kenaikan sayuran

ini kerana mereka faham kenapa kami jual pada harga tinggi sejak beberapa hari lalu.

"Ada sayur-sayuran masih harga biasa kerana bekalan diperoleh dari kawasan lain," katanya.

Peniaga sayuran di Pasar Jalan Othman, Petaling Jaya, Selangor, Norley Azura Ahmad, 52, berkata, ada sedikit kenaikan harga beberapa sayuran kerana kesukaran mendapatkan bekalan.

"Contohnya halia yang sebelum ini dijual pada harga RM10 sekilogram naik kepada RM12 sekilogram.

"Selain dari Cameron Highlands, saya juga mendapatkan bekalan daripada pemborong dari Ipoh, manakala bekalan halia pula

diimport dari Indonesia," katanya.

Sementara itu, suri rumah, Suriana Che Mat, 41, berkata, dia tidak berdepan masalah untuk mendapatkan bekalan sayur-sayuran kerana masih mudah didapati di kebanyakan tempat.

"Mudah nak cari sayur sekarang kerana banyak tempat yang jual. Dari segi kenaikan harga pula, saya rasa cili yang naik harga sejak beberapa hari ini berbanding sayuran lain.

"Saya sendiri tidak tahu apa sebab harga sayur sekarang naik, namun bagi saya harga sekarang masih dalam keadaan terkawal dan tidak terlalu mahal," katanya.

Sebelum ini, media me-

laporkan harga sayur-sayuran di beberapa negeri dilaporkan naik selepas hasil pertanian dari tanah tinggi di Cameron Highlands tidak dapat dikeluarkan ekoran pelaksanaan PKPD di kawasan berkenaan bermula semalam hingga 27 Jun depan selepas 29 kes positif Covid-19 dikesan dalam tempoh dua minggu.

Terdahulu, Menteri Perdagangan Dalam Negeri dan Hal Ehwal Pengguna Datuk Seri Alexander Nanta Linggi memaklumkan pihaknya tidak menolak kemungkinan berlaku gangguan bekalan sayur untuk pasaran dan rangkaian pasar tertentu susulan pelaksanaan PKPD di kawasan berkenaan.



NORLEY Azura (kiri) melayan pelanggannya, Suriana membeli sayur-sayuran di Pasar Jalan Othman, Petaling Jaya.

# KPDNHEP rampas 1.3 tan minyak masak bersubsidi



Penguat kuasa KPDNHEP Pulau Pinang memeriksa minyak masak satu kilogram bersubsidi dalam sebuah stor tidak berlesen di Bukit Mertajam, semalam. (Foto ihsan KPDNHEP Pulau Pinang)

Serbuhan di stor simpanan tidak berlesen selepas terima aduan masalah bekalan

Oleh Nur Izzati Mohamad  
bhnews@bh.com.my

**Bukit Mertajam:** Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang merampas 1.3 tan minyak masak satu kilogram (kg) bersubsidi yang disimpan di stor tidak berlesen di Jalan Dato Ooh Chooi Cheng, kelmarin.

Rampasan dilakukan sepasukan pegawai penguat kuasa KPDNHEP selepas menyerbu stor itu pada jam 1.30 tengah hari.

Pengarah KPDNHEP negeri, Mohd Ridzuan Ab Ghapar, berkata pihaknya menerima aduan awam mengenai masalah bekalan minyak masak satu kg bersubsidi di negeri ini sebelum menjalankan risikan seterusnya membuat serbuan ke atas premis terbabit.

"Hasilnya, kita mendapati berlaku aktiviti penyimpanan minyak masak bersubsidi polibeg satu kg disimpan di stor tidak dilesenkan.

"Oleh itu, kita merampas sejumlah 1.3 tan minyak masak itu yang dianggarkan bernilai RM3,400 untuk tindakan selanjutnya," katanya dalam kenyataan, semalam.

Beliau berkata, pihaknya juga turut merakam percakapan seorang lelaki warga tempatan yang bekerja di premis itu untuk siasatan lanjut.

"Kes itu disiasat mengikut Akta Kawalan Bekalan 1961," katanya.

**Kita mendapati berlaku aktiviti penyimpanan minyak masak bersubsidi polibeg satu kg disimpan di stor tidak dilesenkan**



**Mohd Ridzuan Ab Ghapar,**  
Pengarah KPDNHEP Pulau Pinang



ANGGOTA penguat kuasa KPDNHEP Pulau Pinang memeriksa minyak masak bersubsidi yang dirampas.

## Sorok 1.3 tan minyak masak bersubsidi

**Bukit Mertajam:** Kementerian Perdagangan Dalam Negeri dan Hal Ehwal Pengguna (KPDNHEP) Pulau Pinang merampas 1.3 tan minyak masak satu kilogram (kg) bersubsidi disimpan dalam stor tidak berlesen di Jalan Dato Ooh Chooi Cheng di sini, jam 1.30 tengah hari, kelmarin.

Serbuan dijalankan hasil risikan sejak tiga bulan lalu.

Pengarahnya, Mohd Ridzuan Ab Ghapar berkata, hasil maklumat awam berkaitan masalah bekalan minyak masak satu kilogram bersubsidi di negeri ini, pihaknya menjalankan risikan untuk mendapatkan maklumat apa yang berlaku.

"Hasilnya kami mendapati ada pihak menyimpan minyak masak bersubsidi



*Hasilnya kami mendapati ada pihak menyimpan minyak masak bersubsidi satu kilogram di stor yang tidak dilesenkan"*

**Mohd Ridzuan**

satu kilogram di stor yang tidak dilesenkan.

"Kami kemudian merampas minyak masak itu yang bernilai RM3,400," katanya, semalam.

Menurut beliau, pihaknya turut merakam keterangan seorang lelaki warga tempatan yang bekerja di premis terbabit.


Kes disiasat mengikut Akta Kawalan Bekalan 1961.



**Senarai Harga Barang Keperluan**

• Ayam	<b>RM6.49</b>	• Cili Merah	<b>RM7.99</b>
• Daging Lembu Tempatan	<b>RM35</b>	• Kubis Bulat Tempatan	<b>RM3.49</b>
• Daging Lembu Import	<b>RM29.90</b>	• Tepung Gandum	<b>RM2.20</b>
• Telur Gred A	<b>RM12.30</b>		
• Ikan Kembung	<b>RM8.90</b>		
• Minyak Masak	<b>RM6.35</b>		
• Cula Pasir	<b>RM2.85</b>		
• Bawang Besar Holland	<b>RM2.80</b>		
• Bawang Putih	<b>RM5.50</b>		

\*Harga (RM/kg) Sumber: KPDNHEP



**New fuel prices**  
*June 17 - June 23*

RON95	<b>RM2.05</b> (unchanged)
RON97	<b>RM2.67</b> (+2 sen)
DIESEL	<b>RM2.15</b> (unchanged)

The image shows a rectangular sign with a red fuel nozzle icon in a circle at the top left. The text is in bold black and red fonts. The background of the sign is a light, textured grey.